



大清通禮卷之三

吉禮


宗廟

歲四時饗

太廟之禮。孟春於上旬。諏吉。夏。秋。冬。於孟月朔。先三日。禮部
尚書一人。詣犧牲所。眡牲。如儀。

右眡牲

是日。昧爽。太常寺卿率屬。恭進齋戒牌銅人於
乾清門。均如。



郊祀儀

皇帝乃齋於大內齋宮。王公百官各齋於次。

右致齋

書祝版

眡割牲

郊祀同

儀均與

先一日昧爽。太常寺設黃案一於

中和殿

御座之南。太常寺卿率屬祇候贊事殿內。司祝由內閣恭

奉

太廟後殿

中殿祝版。暫設

太和殿。初昕。太常寺卿率欽天監博士至

乾清門奏時。

皇帝御補服。乘輿出宮。至

中和殿後。降輿。

御殿立左楹前。西向。司祝由

太和殿恭奉祝版。以次行。導引如儀。至

中和殿奉

後殿祝版。恭設案左。奉

中殿祝版。恭設案右。三叩興退。太常寺卿二人展祝文。贊

禮郎布拜褥。

皇帝詣案前恭閱。行三拜禮。畢。太常寺官恭送祝版。奉安

太廟神庫內。餘如

北郊祀儀。

右闕祝版

其日。太常寺卿率屬入

廟。潔蠲殿內外。藉以櫻薦。恭設

後殿

列祖

列后神座於

寢室前。

肇祖原皇帝正中。

原皇后配。

興祖直皇帝左。

直皇后配。

景祖翼皇帝右。

翼皇后配。

顯祖宣皇帝次左。

宣皇后配。均南向。恭設

中殿

列聖

列后神座於

前殿。

太祖高皇帝正中。南向。

孝慈高皇后配。

太宗文皇帝東位西向。

孝端文皇后。

孝莊文皇后配。

世祖章皇帝西位東向。

孝惠章皇后

孝康章皇后配。

聖祖仁皇帝東次西向。

孝誠仁皇后

孝昭仁皇后

孝懿仁皇后

孝恭仁皇后配。

世宗憲皇帝西次東向。

孝敬憲皇后配。展

前殿兩廡配饗。東通達郡王。次武功郡王。武功郡王福晉。

次慧哲郡王。慧哲郡王福晉。次宣獻郡王。宣獻郡王

福晉。次怡賢親王。均西面。西信勇公費英東。次果毅

公額宜都。次武勳王揚古利。次果毅公圖爾格。次雄

勇公圖賴。次忠達公大學士圖海。次超勇親王策凌。

次勤襄伯大學士鄂爾泰。次大學士張廷玉。均東面。
以北爲上。

右設神座

將事之夕。夜分。太常寺卿率屬入

廟。然炬明鐙。具器陳於案。各以其序。

帝。

后皆同案。每案牛一。羊一。豕一。簠二。簋二。籩十有二。豆十有

二。鑪一。鐙二。每位登一。鉶一。金七。一。金箸二。南設三

案。一少西。供祝版。一東次西向。一西次東向。分奠

帝

后。每案香盤一。每位奉先制帛一。色尊一。玉爵三。

後殿

前殿同。

前殿東案。陳壺一。實福酒。盤一。實胙肉。東廡五案。皆牛一。

羊一。豕一。簠二。簋二。籩十。豆十。每位鉶一。西廡九案。

皆羊一。豕一。鉶一。簠一。簋一。籩四。豆四。又各設案於

南。東廡奠尊二。每案香盤一。每位展親制帛一。色爵

三。西廡奠尊五。每位報功制帛一。色餘同東廡。凡牲

陳於俎。凡帛實於篚。凡尊實酒。承以舟。疏布幕。勺具。

工部司官。張黃幄於戟門。鑿儀衛官。設洗於幄外。樂

部率太常協律郎。設中和韶樂於殿外階上。分東西

懸。陳武功文德。二舞於樂懸之次。並如

郊祀儀

右陳設

陳設畢。太常寺博士。引禮部侍郎一人。詣

後殿。

前殿。

大清通禮 卷三 六
神位前。省。眡。牲。帛。盞。盛。及。籩。豆。登。鉶。之。實。畢。並。詣。東。西。廡。周。眡。如。儀。

右省盞

辨行禮位。

前殿門內正中爲

皇帝行禮拜位。北向。殿外階上東西。爲王以下。公以上。拜位。階下甬道東西。爲兩廡分獻官拜位。廟庭東西。爲百官拜位。文官郎中以上。武官叅領。世爵輕車都尉以上。東西各五班。重行異等。均北面。東位西上。西位

東上。辨執事位。司拜褥。鑾儀衛官二人。分立於

皇帝拜位左右。太常寺司祝一人。立祝案西。東面。太常寺司香三人。宗室官司帛三人。司爵九人。序立東案之東。西面。太常寺司香二人。宗室官司帛二人。司爵六人。序立西案之西。東面。均北上。光祿寺卿二人。立東司香之後。西面。侍衛二人。立西司香之後。太常寺贊賜福胙一人。立西司爵之次。均東面。北上。侍儀禮部尚書侍郎各一人。立東案之南。西面。都察院左都御史。副都御史各一人。樂部典樂一人。立西案之南。東

大清通志 卷三
面均北上。太常寺典儀一人。立殿東門外。西面。階上東西。糾儀御史二人。禮部祠祭司官二人。立於王公拜位之前。引王公行禮。鴻臚寺官二人。分立於糾儀官之次。均東西面。司樂協律郎。樂工序立。樂懸之次。歌工立。樂工之次。樂舞生文武八佾。分行序立。東列歌工之左。西列歌工之右。北面。記注官四人。立西階下。東面。北上。糾儀御史四人。禮部祠祭司官二人。鴻臚寺官二人。分立於百官行禮位前。均東西面。掌燎官率燎人立燎鑪南。承祭

後殿官拜位。設於殿外階上。太常寺司祝一人。司香四人。覺羅官司帛四人。司爵八人。糾儀御史四人。以次序立於殿內。均東西面。太常寺典儀一人。立於殿門外之東。掌燎官立位。同前。

右辨位

其曰五鼓。鑾儀衛陳

法駕鹵簿

詳見於北郊祭儀。

午門外。陳金輦於

太和門外。陪祀王以下。公以上。按翼集廟街門外。候

駕至。隨行承祭。

後殿官分獻官均先俟於廟南門外。陪祀百官序立於廟

庭左右。祇候。司祝二人詣

神庫祝案前。跪三叩。興。恭奉祝版。先

後殿次

前殿奉安於祝案。跪叩如初。日出前四刻。公一人詣

後殿香几前。上香。退。出殿右門外。就階上正中。行三跪九

叩禮。覺羅官分詣

後殿寢室前。跪三叩。興。恭請四室

神位。奉安於殿內。

寶座。跪三叩。興。退。王一人詣

中殿。上香。行禮。如

後殿之儀。宗室官分詣

中殿寢室前。跪三叩。興。恭請五室

神位。以次出殿中門。太常寺官十人前引。由

前殿北門入。循殿左。轉至殿中。依序奉安於

寶座。跪三叩。興。退。均就執事位。

左右請神位

太常寺卿赴

乾清門奏時。

皇帝御祭服。乘禮輿。出宮。至

太和門外。降輿。乘金輦。鑾儀衛奉輦。納陛。內大臣侍衛。前引後扈。如常儀。執鑪。燈。官。左右列行。

午門嚴鼓。導迎樂陳而不作。不陪祀。王公以下。文武各官。咸朝服。跪送。太常寺贊禮郎。豫引

後殿承祭官。由右戟門入。至

後殿內垣門外。東面立。

駕入

太廟街門左門。至神路右。降輦。納陛。扶輦。如前儀。右贊引。左對引。太常寺卿二人。恭導

皇帝至

太廟南門。入左門。詣戟門。幄次。少俟。太常寺卿。告奉安。神位畢。奏請行禮。

皇帝出次。鑾儀衛官跪。奉盥。奉巾。如儀。盥畢。入戟門左門。司拜褥官。豫布拜褥。於殿門內正中。贊引對引官。恭

導

皇帝陞東階進

前殿左門就拜位前。北向立。執鑪。鐙官止東階下。夾階左右立。侍衛退至東西陛隅僉立。前引內大臣止殿外檐下。東西侍立。後扈大臣隨侍。贊禮郎二人引承祭後殿官。由內垣右門入。升自西階。至中階拜位前立。贊禮郎東西各二人引分獻官。鴻臚寺官引陪祀王公百官。均就拜位序立。典儀贊樂舞生登歌。執事官各共廼職。武舞執干戚進。贊引奏就位。

皇帝就位立。

後殿典儀贊執事官各共廼職。贊禮郎贊就位。承祭官就位立。

右就次盥洗就位

典儀贊迎

神。左右司香奉香盤。以次進至各案前恭候。司樂贊舉迎神樂。奏貽平之章。辭曰。肇茲區夏。世德欽崇。九州維宅。王業自東。戎甲十三。奮起飛龍。維神格思。皇靈顯融。協律郎舉麾。工鼓祝。樂作。贊引奏詣香案前。暨對引官恭

皇帝導

皇帝詣

太祖高皇帝香案前。對引官至祝案前止立。司香跪。贊引奏跪。

皇帝跪。奏上香。司香進香。

皇帝上炷香。三上辦香。興。以次詣

太宗文皇帝

世祖章皇帝

聖祖仁皇帝

世宗憲皇帝香案前。上香。儀同。贊引奏復位。暨對引官恭導

皇帝復位立。贊引奏跪拜興。

皇帝行三跪九拜禮。王公百官均隨行禮。協律郎偃麾。工

憂敵樂止。凡樂以舉麾鼓祝作。以偃麾憂敵止。後同。初迎

神時。

後殿典儀贊同。贊禮郎贊詣香案前。贊跪。贊上香。引承祭

官詣

肇祖原皇帝

興祖直皇帝

景祖翼皇帝

顯祖宣皇帝香案前。以次跪。上香。畢。復位。行三跪九叩禮。如儀。

右迎神

典儀贊奠帛爵。行初獻禮。司樂贊舉初獻樂。奏教平之章。辭曰。於皇祖考。克配上天。越文武功。萬邦是宣。孝孫受命。不忘不愆。美牆永慕。時薦斯虔。樂作。司樂舉節。舞干戚之舞。凡舞以節領之。導引進退後同。有司揭尊罍。勺挹酒。實爵。左右司帛。司爵。以次進至各

神位前。司帛跪獻篚。奠於案。三叩。興。司爵立獻爵。奠於塾中。

各退。樂暫止。司祝詣祝案前。跪。三叩。興。奉祝版跪案左。贊引奏跪。

皇帝跪。羣臣皆跪。贊讀祝。司祝讀祝。辭曰。維某年月日。孝孫嗣皇帝御名敢昭告於

太祖承天廣運聖德神功肇紀立極仁孝睿武端毅欽安弘文定業高皇帝

孝慈昭憲敬順仁徽懿德慶顯承天輔聖高皇后

太宗應天興國弘德彰武寬溫仁聖睿孝敬敏昭定隆道顯

功文皇帝

孝端正敬仁懿哲順慈僖莊敏輔天協聖文皇后

孝莊仁宣誠憲恭懿至德純徽翊天啟聖文皇后

世祖體天隆運定統建極英睿欽文顯武大德弘功至仁純

孝章皇帝

孝惠仁憲端懿慈淑恭安純德順天翼聖章皇后

孝康慈和莊懿恭惠溫穆端靖崇天育聖章皇后

聖祖合天弘運文武睿哲恭儉寬裕孝敬誠信中和功德大

成仁皇帝

孝誠恭肅正惠安和淑懿儷天襄聖仁皇后

孝昭靜淑明惠正和安裕欽天順聖仁皇后

孝懿溫誠端仁憲穆和恪奉天佐聖仁皇后

孝恭宣惠溫肅定裕慈純贊天承聖仁皇后

世宗敬天昌運建中表正文武英明寬仁信毅大孝至誠憲

皇帝

孝敬恭和懿順昭惠佐天翊聖憲皇后曰時屆孟春夏秋謹以

牲帛醴齊齎盛庶品用展追思伏惟尚

饗讀畢興奉祝版跪安

神位前篚內三叩興退樂作贊引奏拜興

大清通禮 卷三 四
皇帝率羣臣行三拜禮。興樂止。武功之舞退。文舞執羽籥進。初奠帛爵時。

後殿典儀贊奠帛爵。行初獻禮。有司揭尊罍。勺挹酒。實爵。左右司帛司爵。以次進。至各

神位前。奠帛獻爵。儀同。

前殿。司祝詣祝案前。跪三叩。興。奉祝版。跪案左。贊禮郎贊跪。承祭官跪。贊讀祝。司祝讀祝。辭曰。維某年月日。

孝孫嗣皇帝御名謹遣某官某。敢昭告於

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后曰。時屆孟春。夏。秋。冬。謹以牲帛醴齊盞盛庶品。用展追思。

伏惟尚

饗。讀畢。興。奉祝版。跪安。

神位前。篚內三叩興退。贊禮郎贊叩興。承祭官行三叩禮。興前殿兩廡。贊禮郎引分獻官詣兩廡配饗位前。上香執事。生揭尊。幕勺挹酒。實爵奉篚。奉爵各分獻退。

右初獻

典儀贊行亞獻禮。司樂贊舉亞獻樂。奏敷平之章。辭曰。毖祀精忱。洋洋如生。尊罍再舉。於赫昭明。藹然有容。愾然有聲。我懷靡及。顒若中情。樂作舞羽。籥之舞。

司爵詣各

神位前。獻爵於左。儀如初獻。

後殿典儀同時贊行亞獻禮。司爵獻爵各

神位前如

前殿之儀。兩廡隨分獻畢。樂止。

右亞獻

典儀贊行終獻禮。司樂贊舉終獻樂。奏紹平之章。辭曰。粵若祖德。誕受方國。肆予小子。大猷是式。欲報之德。昊天罔極。慇懃三獻。中心翼翼。樂作舞同。司爵詣

神位前各

神位前。獻爵於右。儀如亞獻。

後殿典儀同時贊行終獻禮。司爵獻爵各

神位前如

前殿之儀。兩廡隨分獻畢。引分獻官退。復拜位立。樂止。文德之舞退。

右三獻

既終獻。太常寺贊禮郎一人詣拜位前。西面立。贊

賜福胙。光祿寺卿二人奉福胙詣

神位前拱舉退。祇立於

皇帝拜位之右。侍衛二人進立於左。贊引奏跪。

皇帝跪。左右官皆跪。奏飲福酒。右官進福酒。

皇帝受爵。拱舉。授左官。奏受胙。右官進胙。

皇帝受胙。拱舉。授左官。奏拜興。

皇帝三拜興。又奏跪拜興。

皇帝率羣臣行三跪九拜禮。興。典儀贊徹饌。司樂贊舉徹饌樂。奏光平之章。辭曰。庶物既陳。九奏具舉。告成於祖。亦右皇妣。敬徹不遲。用終殷祀。式禮如茲。皇其燕喜。樂作。徹畢。樂止。有司徹

後殿饌。如儀。

右受胙徹饌

皇帝既受福胙。太常寺贊禮郎詣

神位前跪。奏禮畢。請

還寢室。三叩。興。退。司樂贊舉

還宮樂。奏又平之章。辭曰。對越無方。陟降無迹。寢祐靜淵。孔

安且吉。惟靈在天。惟主在室。於萬斯年。孝思無斁。樂

作。贊引奏跪拜興。

皇帝率羣臣行三跪九拜禮。興。樂暫止。典儀贊奉祝帛。送

燎。司祝司帛詣

神位前。咸跪。三叩。司祝奉祝。司帛奉篚。興。司香跪奉香。興。以

次恭送燎所。

皇帝轉立拜位旁。西向。司拜褥官徹拜褥。王公百官退避

側立。東西面。俟祝帛過。仍布拜褥。

皇帝復位立。

後殿贊禮郎贊跪叩興。承祭官行三跪九叩禮。興。典儀贊

奉祝帛。送燎。司祝奉祝。司帛奉篚。司香奉香。恭送燎

所。如

前殿之儀。執事生奉兩廡香帛。焚燎。樂作。贊引奏禮成。暨

對引官恭導

皇帝自殿左門降東階由東戟門出贊禮郎引承祭

後殿官退王公二人率宗室覺羅官恭奉

後殿

前殿

神位還寢室。上香。行禮。與迎

神同。

右禮成神位還御

時饗禮成。

皇帝至

太廟南門外神路右乘禮輿導迎樂作奏祐平之章辭曰儀

若先典追孝在天鴻慶遐邇烈光丕顯祀事明神貺

宣福庶民千萬年

午門鳴鐘不陪祀王公百官咸朝服跪迎王公隨

駕入至內金水橋恭候

皇帝還宮皆退太常寺官徹

乾清門齋戒牌銅人送寺

右乘輿回宮

大清通禮 卷三
九
禘祭

太廟之禮。歲除前一日奉

後殿。

中殿。

列聖

列后合食

前殿致齋。眡牲。書祝版。眡祝版。眡割牲。祭前諸儀。並準時

饗。先一日遣官各一人分詣

後殿。

中殿以大禘告。太常寺豫具祝版二。送內閣恭書。奉諸

太廟神庫。潔備器陳。至日雞初鳴。太常寺卿率屬入

廟。恭展

後殿。

中殿神幄。每案薦鹿脯。鹿醢。兔醢。棗。榛。葡萄。桃實。蓮實。鑪

鐙具。設案一於殿中。少西。供祝版。司祝立於案西。東

面。設案二於殿內左右。分奠香帛。尊爵。如常祭之數。

司香。司帛。司爵。各立於案後。糾儀御史二人。立司爵

之南。均東西面。太常寺典儀一人。立殿東檐下。西面。

後殿

中殿同。未明遣官祇俟於街門內。贊引太常寺贊禮郎

後殿

中殿各二人。豫俟於殿垣門外。均朝服。質明遣官進廟南

門及戟門。均由右門入。經庭西詣

後殿

中殿贊禮郎引入。升自西階。至中階上拜位前。北面立。典

儀贊執事官各共廼職。

以下禮儀節次皆典儀唱贊。

贊

禮郎贊進。引遣官就拜位立。

凡遣官進退行禮皆贊皆引。

殿同。司香奉香盤進至各香案前恭候。

後殿遣官詣

肇祖原皇帝香案前跪。司香跪奉香。遣官上炷香。三上瓣香。

興以次詣

興祖直皇帝

景祖翼皇帝

顯祖宣皇帝案前。上香。如前儀。畢復位。贊跪叩興。行三跪九

叩禮。

中殿遣官詣

太祖高皇帝香案前跪。上香。以次詣

太宗文皇帝

世祖章皇帝

聖祖仁皇帝

世宗憲皇帝案前跪。上香。畢。復位。行禮。儀同。均出入殿右門。

司帛奉篚。司爵奉爵。詣

列聖案前。行初獻禮。司帛跪獻篚。奠於案。三叩。興。司爵立獻

爵。奠於墊中。各退。司祝詣祝案前。跪。三叩。興。奉祝版

跪案左。贊跪。遣官跪。司祝讀祝文。

後殿祝辭曰。維某年月日。

孝孫嗣皇帝御名謹遣某官某。敢昭告於

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后曰。茲者歲暮。特修禘祭之禮於太廟。恭迎同格饗祀。伏惟

鑒知。謹

告。

中殿祝辭曰。維某年月日。

孝孫嗣皇帝御名謹遣某官某。敢昭告於

太祖承天廣運聖德神功肇紀立極仁孝睿武端毅欽安弘

文定業高皇帝

孝慈昭憲敬順仁徽懿德慶顯承天輔聖高皇后

太宗應天興國弘德彰武寬溫仁聖睿孝敬敏昭定隆道顯

功文皇帝

孝端正敬仁懿哲順慈僖莊敏輔天協聖文皇后

孝莊仁宣誠憲恭懿至德純徽翊天啟聖文皇后

世祖體天隆運定統建極英睿欽文顯武大德弘功至仁純

孝章皇帝

孝惠仁憲端懿慈淑恭安純德順天翼聖章皇后

孝康慈和莊懿恭惠溫穆端靖崇天育聖章皇后

聖祖合天弘運文武睿哲恭儉寬裕孝敬誠信中和功德大

成仁皇帝

孝誠恭肅正惠安和淑懿儷天襄聖仁皇后

孝昭靜淑明惠正和安裕欽天順聖仁皇后

孝懿溫誠端仁憲穆和恪奉天佐聖仁皇后

孝恭宣惠溫肅定裕慈純贊天承聖仁皇后

世宗敬天昌運建中表正文武英明寬仁信毅大孝至誠憲

皇帝

孝敬恭和懿順昭惠佐天翊聖憲皇后曰。茲者歲暮。特修禘

祭之禮。恭迎

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后同格饗祀。伏惟

鑒知。謹

告。讀訖。興。奉祝版。跪安。

神位前。篚內。三叩。退。遣官三叩。興。行亞獻禮。司爵詣

列聖案前。獻爵於左。行三獻禮。司爵獻爵於右。均如初儀。遣

官行三跪九叩禮。興。乃送燎。司祝。司帛。詣

神位前。咸跪。三叩。司祝奉祝。司帛奉篚。興。司香跪奉香。興。以

次恭送燎所。遣官避立拜位西。東面。俟過。復位。既送

燎。贊禮畢。引遣官仍降西階。退。

後殿。

中殿同。

右祇告

是日。太常寺卿率屬潔蠲

前殿。藉以稷薦。恭設

列聖。

列后。神座於殿內。

肇祖原皇帝居中。

原皇后配。

興祖直皇帝左。

直皇后配。

景祖翼皇帝右。

翼皇后配。

顯祖宣皇帝次左。

宣皇后配。

太祖高皇帝次右。

孝慈高皇后配。均南向。

太宗文皇帝東位西向。

孝端文皇后

孝莊文皇后配。

世祖章皇帝西位東向。

孝惠章皇后

孝康章皇后配。

聖祖仁皇帝東次西向。

孝誠仁皇后

孝昭仁皇后

孝懿仁皇后

孝恭仁皇后配。

世宗憲皇帝西次東向。

孝敬憲皇后配。展兩廡配饗位。如時饗之儀。

右設神座

祭日。日出前七刻。司祝一人。恭奉祝文。安設於

前殿祝案上。如儀。公一人。率宗室官八人。詣

後殿。上香。行禮。如時饗奉請

神位之儀。恭奉四室

帝

后神位。出中門降階。太常寺官十人前引。由內垣中門。循

中殿東出。王一人。率宗室官十五人。詣

中殿。上香。行禮。儀同。恭奉五室

帝

后神位。出寢室。俟

後殿神位。陟階。至

中殿神路中。南向前行。

中殿神位。乃以次隨行。入

前殿。依序奉安於各

寶座上。如儀。退。

右請神位

祝辭曰。維某年月日。

孝孫嗣皇帝御名敢昭告於

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后

太祖承天廣運聖德神功肇紀立極仁孝睿武端毅欽安弘

文定業高皇帝

孝慈昭憲敬順仁徽懿德慶顯承天輔聖高皇后

太宗應天興國弘德彰武寬溫仁聖睿孝敬敏昭定隆道顯

功文皇帝

孝端正敬仁懿哲順慈僖莊敏輔天協聖文皇后

孝莊仁宣誠憲恭懿至德純徽翊天啟聖文皇后

世祖體天隆運定統建極英睿欽文顯武大德弘功至仁純

孝章皇帝

孝惠仁憲端懿慈淑恭安純德順天翼聖章皇后

孝康慈和莊懿恭惠溫穆端靖崇天育聖章皇后

聖祖合天弘運文武睿哲恭儉寬裕孝敬誠信中和功德大

成仁皇帝

孝誠恭肅正惠安和淑懿儷天襄聖仁皇后

孝昭靜淑明惠正和安裕欽天順聖仁皇后

孝懿溫誠端仁憲穆和恪奉天佐聖仁皇后

孝恭宣惠溫肅定裕慈純贊天承聖仁皇后

世宗敬天昌運建中表正文武英明寬仁信毅大孝至誠憲
皇帝

孝敬恭和懿順昭惠佐天翊聖憲皇后曰。氣序已周。歲事告
成。謹以牲帛醴齊盞盛庶品。特修大禘禮於

太廟。用申追感之情。伏惟尙

饗。

右祝辭

迎神樂奏開平之章。辭曰。承眷命兮撫萬邦。嗣丕基
兮祖德昌。溯謨烈兮唐哉皇。虔歲祀兮式舊章。肅對

越兮誠悃將。尙來格兮仰休光。

初獻樂奏肅平之章。辭曰。粵我先兮肇俄朶。長白山兮鵲啣果。綿瓜瓞兮天所佐。明之侵兮殲其左。混中外兮逮乎我。奉太室兮安以妥。

亞獻樂奏協平之章。辭曰。紛葳蕤兮列聖臨。儼對越兮心欽欽。陳纖縞兮有壬林。擊浮磬兮彈朱琴。恪溥將兮俶來歆。錫嘉祉兮天地心。

終獻樂奏裕平之章。辭曰。椒飴芬兮神留俞。爵三獻兮旨清醕。萬羽干兮樂孔都。禮明備兮罔敢渝。神醉

止兮咸樂胥。永啟佑兮披皇圖。

徹饌樂奏誠平之章。辭曰。祝幣陳兮神燕娛。尊俎將兮反威儀。悅且康兮徹弗遲。不可度兮矧射思。禮有成兮釐百宜。鑒精誠兮第祿綏。

還宮樂奏成平之章。辭曰。龍之馭兮旋穆清。神之御兮式丹楹。瞻列聖兮優容聲。廻靈眄兮佑丕承。維神聽兮和且平。繼序皇兮亶休徵。其餘樂舞及牲幣器數。

皇帝行禮儀節。祀官陪位。均如時饗之儀。

右樂章

皇帝因事親告之禮。欽天監諏吉日。以聞。下所司供備。先一日。

皇帝致齋於大內。陪祀王公。及執事各官。咸致齋。翰林院

具祝文。隨事撰擬太常寺卿送內閣恭書。受而奉諸

神庫。乃率屬入

廟。潔埽。藉以稷薦。工部司官張黃幄於戟門。鑾儀衛官設洗於幄外。至日。太常寺卿率屬入

廟。恭展

中殿神幄。每案薦鹿脯。鹿醢。兔醢。棗。榛。葡萄。桃實。蓮實。鑪

鐙具。設案一於殿中。少西。供祝版。司祝立於祝案西。

東面。設案二於殿內左右。分奠香帛。尊爵。如時饗之

數。司香。司帛。司爵。各立於案後。太常寺典儀一人立

殿東檐下。西面。掌燎官率燎人立。燎鑪南。陪祀王公

朝服。祇候於廟街門外。候

駕至。隨行。不陪祀王公百官朝服。集

午門外。屆時。太常寺卿赴

皇乾清門奏時。興出宮前。門外。候

皇帝御祭服。乘輿出宮。前引後扈。如常儀。

午門嚴鼓。百官跪送。如儀。

駕入闕。不卸輿。王公百官。博如儀。

太廟街門左門。至神路右。降輿。右贊引。左對引。太常寺卿二

人恭導。

皇帝至。

太廟南門。入左門。詣戟門。幄次。少俟。太常寺卿奏請詣

中殿行禮。

皇帝出次。盥洗。鑿儀衛官跪。奉盥奉巾。如儀。入戟門左門。

司拜禱官。豫布拜禱於

中殿門內正中。贊引對引。恭導

皇帝由

前殿東循牆陞

中殿東階。進殿左門。就拜位前。北向立。執鑪。鐙官止東階

下。夾階左右立。侍衛僉立東西陞隅。前引大臣分立

殿檐下。東西面。後扈大臣隨侍。陪祀王公。按翼立殿

門外左右。典儀贊執事官各共廼職。以下禮儀節次。皆典儀唱贊。

贊引奏就位。

皇帝就位立。左右司香奉香盤。以次進至各案前恭候。贊引奏詣香案前。暨對引官恭導。

皇帝詣

太祖高皇帝香案前。對引至祝案前止立。司香跪。贊引奏跪。皇帝跪。奏上香。司香進香。

皇帝上炷香。三上瓣香。興。以次詣

太宗文皇帝

世祖章皇帝

聖祖仁皇帝

世宗憲皇帝香案前。上香。儀同。贊引奏復位。暨對引官恭導。皇帝復位立。贊引奏跪拜興。

皇帝行三跪九拜禮。王公均隨行禮。畢。乃奠帛。爵。行初獻禮。有司揭尊。冪。勺。挹酒。實爵。左右司帛。以次進至各

神位前。司帛跪獻篚。奠於案。三叩興。司爵立獻爵。奠於墊中。各退。司祝詣祝案前。跪。三叩興。奉祝版跪案左。贊引奏跪。

皇帝跪。王公皆跪。贊讀祝。司祝讀祝。畢。興。奉祝版跪安。

神位前篚內。三叩興。退。贊引奏拜興。

皇帝率王公行三拜禮。亞獻奠爵於左。三獻奠爵於右。均如初儀。既終獻。贊引奏跪拜興。

皇帝率王公行三跪九拜禮。興。司祝。司帛。詣

神位前。咸跪。三叩。司祝奉祝。司帛奉篚。興。司香跪奉香。以次恭送燎所。

皇帝轉立拜位旁。西向。司拜褥官徹拜褥。王公退立階下。

東西面。俟祝帛過。

仍布拜褥。

皇帝復位立。贊引奏禮成。暨對引官恭導。

皇帝仍由原入之門出。至神路西。陞輿還宮。翼扈如來儀。

午門鳴鐘。百官跪迎。王公隨

駕入。至內金水橋。恭候

皇帝還宮。皆退。是日。並遣官告祭

後殿。陳設。及行禮儀節。如大禘前告之儀。

右親告

遣官祇告之禮。承祭官及執事官。均致齋一日。豫期。

翰林院具祝文。

隨事撰擬。

太常寺卿送內閣恭書。受而奉

諸

神庫。至日。率屬入

廟設祝案尊案薦脯醢果實具鑪鐙恭展

神幄屆時承祭官上香讀祝行三獻禮執事官贊襄厥事如

大禘前告之儀

後殿

中殿祇告同

右遣官祇告

列聖

列后升祔

太廟之禮

制下禮部具疏行欽天監諏吉工部敬製

升祔龕案於

太廟街門內潔室敬製

神位於

山陵配殿禮工二部尚書上香行三跪九叩禮既成內閣翰

林院官朝服敬書題字大學士滿漢各一人朝服視

鑄上香行禮禮部豫列親王名請

旨簡命恭奉

后主一人

山陵禮成敬題

神位畢

皇帝恭奉

神位於金輿自

山陵迎歸

太廟祔饗未至京前一夕

皇帝由便道先回宮恭俟

右迎神回京

眡牲

致齋

書祝版

閱祝版

眡割牲儀均與時饗同

前期五日禮部工部太常寺官入

廟詣

中殿恭設新祔

帝

后神龕陳帷幔設香案供鑪鐙如

列聖

列后寢室前陳設儀。

右設寢室龕案

先一日遣官以祔

廟告祭

天。

地。

宗廟。

社稷如常告儀。

右祇告

其日太常寺卿率屬入

廟。潔蠲殿內外。藉以櫻薦。恭設

後殿。

中殿。

列聖

列后神座。如時饗儀。恭設新祔

帝

后神座於

前殿

列聖

列后之次。按昭穆為序。乃展

前殿兩廡配饗均如儀。

右設神座

將事之夕夜分太常寺卿入

廟然炬明鐙具器陳於案各以其序工部官張黃幄於

太廟街門外之南鑾儀衛官設洗於廟南門外樂部和聲署

陳樂懸樂舞於階上昧爽鑾儀衛陳

法駕鹵簿於

午門均如時饗儀。

右陳設

質明步軍統領勒所部清蹕除道自

神輿所入都門至

大清門。

御道左右塗巷皆設布幃至時禮部尚書侍郎赴

乾清門請

駕。

大清通志 卷三
皇帝禮服。乘輿出宮。諸王貝勒貝子。公內大臣侍衛。朝服以從。

駕至

端門外黃幄次。降輿。入幄祇候。王公百官朝服集大清門外祇候。

神輿至

大清門。王公百官跪迎。候過。輿。

神輿至

天安門。贊引對引。恭導。

皇帝出次。跪迎。候過。輿隨行。入

太廟街門。陪祀王公百官及承祭

後殿官。分獻官。均豫入殿庭祇候。

神輿至廟南左門外。輿止。贊引跪奏盥洗。

皇帝盥。鑾儀衛官跪。奉盥。奉巾。如儀。畢。贊引奏恭請

神位。暨對引官。恭導。

皇帝詣

帝主神輿前。贊引奏跪。

皇帝跪。奏拜。輿。

皇帝三拜。興。恭奉。

帝主奉。

后主親王詣。

后主與前。跪三叩。興。恭奉。

后主以從。御仗黃蓋前導。由。

太廟南門左門。至戟門東階下。御仗黃蓋止。贊引對引。恭導。

入戟門左門。陞東階。進殿左門。司拜褥官豫布新褥。

帝主拜褥於殿內正中。布。

后主拜褥於西稍後。布。

皇帝拜褥於後。贊引對引。恭導。

皇帝詣拜位前。北向立。奉。

后主親王。祇立於後。贊引跪奏新祔。

帝。

后。祇見。

列聖。

列后。

皇帝恭奉。

帝主奉。

后主親王恭奉

后主均跪安於祇見位。奉

后主親王退出殿右門。贊引對引恭導

皇帝退復位立。贊引奏跪拜興。

皇帝恭代行三跪九拜禮。興。贊引奏請恭奉

帝

后神主陞

寶座。暨對引官恭導

皇帝詣

帝主拜位前。跪。恭奉

帝主興。奉

后主親王入殿右門。詣

后主拜位前。跪。恭奉

后主興。隨於後。

皇帝奉安

帝主於

寶座接奉

后主同安於

寶座奉

后主親王出殿右門入陪祀班。

皇帝退及供案前贊引奏跪拜興。

皇帝行三拜禮司拜褥官徹

帝主

后主拜褥贊引對引恭導

皇帝復位立乃致祭。上香讀祝。三獻爵。禮儀均與時饗同。

祭畢宗室官恭奉

神位還寢室。上香行禮。如儀。贊引對引恭導

皇帝出

太廟南門外。陞輿還宮。不陪祀王公百官朝服跪迎。如儀。翼日。

頒詔布告天下。

右升祔

兩廡配饗之禮。禮部承

旨具疏。行工部製神主龕座祭案具。製成擇吉鐫字。如式。

恭遇四時大饗。前期遣官一人祇告

太廟。如常儀。是日太常寺官入

廟。設龕座於配饗之次。陳俎豆。鑾儀衛設采亭於工部堂前。

露臺上。奉神主遣官一人。諸王以郡王。功臣以大臣。詣工部奉主。

置采亭內。民校昇行。前列御仗。王吾仗。功臣引仗。自工部中

門出。鴻臚寺官二人乘馬前引。遣官從。至東長安門。

御仗采亭止。遣官自亭奉主。鴻臚寺官二人導引。由

東長安左門入。

端門左門。至

太廟戟門右門。鴻臚寺官止。太常寺官引至甬道左拜位。王階。

上。功臣階下。北面立。遣官置主於拜位。代行三跪九叩禮。

畢。奉神主。興。奉安於配饗之次。王東廡。功臣西廡。行三叩禮。

退。

右配饗

加上

列聖

列后

尊諡之禮。

制下。禮部具疏。行欽天監諏日。內閣恭擬加上

尊諡。翰林院具祝文。隨時。均進呈。

欽定。

右定諡

既諏吉。乃遣官祇告

太廟

奉先殿。如儀。內閣翰林官書新加

尊諡。畢。工部尚書太常寺卿詣

中殿。上香。行三跪九叩禮。恭請

列聖

列后神位於

太廟潔室。敬視黍飾。既竣。滿漢大學士各一人。朝服。上香。三

跪九叩。敬視工部以青飾

神位題字。仍奉安於

中殿。上香行禮。畢。各退。

右改題

前五日。遣官各一人。祇告

天

地

社稷。如常告儀。

右祇告

致齋

眡牲

書祝版

閱祝版

眡割牲

均如時饗儀

其日五鼓變儀衛陳

法駕鹵簿於

午門外陳金輦於

太和門外太常寺卿率屬入

廟然炬明鐙供祝帛具器陳王公各率宗室覺羅官奉請

神位如時饗儀陪祀王公百官各於其位集序太常寺卿詣

乾清門奏時

皇帝禮服乘輿出宮至

太和門外降輿乘金輦前引後扈

午門鳴鐘鼓不陪祀王公百官朝服跪候

駕入

太廟右門至神路西降輦贊引對引恭導

皇帝由戟門左門入殿左門詣正中拜位立乃祇告加上尊諡。上香。讀祝。三獻。送神。望燎。儀節與時饗同。禮成。

皇帝還宮。易補服。詣

奉先殿行禮。如常祀儀。

右加上尊諡禮成

恭進

玉冊

玉寶之禮。

皇帝恭上

皇考

皇妣

尊諡。

廟號。

勅工部製

玉冊

玉寶加上

列聖

列后

尊諡。勅重製

玉冊。改鑄

玉寶。工部於

太廟街門內潔室鑄製。內閣大學士禮部尚書皆朝服。上香。

行禮。如儀。既成。諏吉以

聞。

右具冊寶

屆日。工部官。豫設采幔於

太廟街門內潔室。設黃案於采幔正中。陳

玉冊

玉寶。設香案於黃案前。張黃幄於

太廟街門外之右。及戟門外之左。鑾儀衛官。設冊寶亭於采

幔左右。太常寺官。設冊寶案。香案於

列聖位前。奉

冊

寶。王。貝。勒。貝。子。公。大學士。尚書。都統。侍郎。皆朝服。分班序立

於采幔旁。祇。俟。屆時。禮部尚書詣

皇。乾清門。奏請行禮。

皇帝禮服出宮。

午門陳

法駕鹵簿。王公百官跪候。如常儀。

皇帝至

太廟街門外幄次。盥洗畢。禮部尚書侍郎各一人恭導

皇帝入

太廟街門。至采幔正中黃案前。恭視

玉冊。

玉寶畢。迺詣香案前。上香。司拜褥官豫布拜褥於案南正中。

恭導

皇帝就位。行一跪三拜禮。興。立案東。西向。奉

冊

寶。王公大臣進至案前。皆跪。三叩。興。恭奉

冊

寶於亭內。跪叩如初。校尉昇亭。御仗前導。

皇帝率王公大臣等隨行。以次至

太廟南門。亭由中門入。恭導

皇帝由左門入。奉

冊
皇帝由中門入奉

寶王公大臣皆隨入。

皇帝至戟門外幄次。少俟。亭入至殿外階上止。以次序列。均南向。王公大臣詣亭前。一跪三叩。興。奉

冊

寶入殿中門。至案前。各恭設於案上。跪叩如初。退。司拜褥官

豫布拜褥於殿門內正中。

皇帝由戟門左門入。陞東階。入殿左門。就拜位。行三跪九拜禮。執事王公大臣均隨行禮。畢。王公大臣各至

冊

寶案前。跪三叩。興。恭奉

冊

寶行。

皇帝隨行至

中殿。立案東。西向。王公大臣奉

冊

寶分藏於金匱。跪叩如初。退。

皇帝以次詣各香案前。上香。畢。行一跪三拜禮。禮成。

皇帝還宮。作樂。王公百官跪迎如儀。進冊寶。

右進冊寶

皇帝還宮

行

大清通禮卷之四

吉禮

奉先殿

致祭

奉先殿之禮

國家崇建

奉先殿於

景運門之東。祇奉

列聖

景運門之東。祇奉

列后神位。日獻食。月薦鮮。朔望朝謁。時節展拜。出入啟告。恭遇

聖誕忌辰。及諸令節。慶典則於

後殿上香行禮。恭遇

皇太后萬壽。

皇帝萬壽。元旦。冬至。及

國有大慶。則奉請

神位於前殿祭饗。

皇帝親饗

奉先殿。前期三日。

皇帝齋。執事各官咸致齋。前一日。內務府掌儀司官進祝

版。祝文隨於
事撰擬。

神庫。割牲。瘞毛血。潔治祭品。各如儀。屆日昧爽。內監啟

寢室神龕。執事官公服入

殿。然炬明鐙。具登。銅簠簋籩豆之實。陳於案。各以其序。殿

中少西。北向。設祝案。東西序各設尊案。分陳香盤。奉

先制帛。皇后祔饗。
用素帛。尊爵。篚幕。勺具。均如

太廟時饗儀。司祝。司香。以內務
府官充。司帛。司爵。以侍
衛充。各以其職為

大清通志 卷四 二
位。樂部率太常協律郎陳中和韶樂於殿階上。分東西懸樂舞在其次。司祝詣

神庫祝案前。跪三叩。恭奉祝版。興贊禮郎二人引由

奉先門中門入

殿中門。跪安於祝案。三叩。興退。內務府官省盥畢。分詣後殿寢室前。跪。上香。三叩。興。恭奉

列聖

列后神位。以次行。如遇

皇后祔饗。內務府官上香行禮。恭奉

神位隨行。內監執鐙。左右導引。至

前殿。入中門。以次奉安於

寶座。

列聖。

列后位均南向。

皇后祔位。東位西向。奉安畢。詣各香案前。跪叩。如初儀。司

拜褥官豫布

皇帝拜褥於

殿門內正中。及各

神位前內監設盥盤於

奉先門左階下屆時掌儀司官詣

乾清門告時侍衛轉奏

皇帝補服乘輿出宮前引後扈如常儀出

景運門至

誠肅門降輿贊引對引太常寺卿二人恭導

皇帝入

奉先左門內監跪奉盥盤悅巾如儀

皇帝盥畢贊引對引恭導

皇帝陞左階入

殿左門詣拜位前北向立豹尾班侍衛止立階下前引大

臣止立階上均東西面後扈大臣隨入僉立於

皇帝拜位後左右典儀贊樂舞生登歌執事官各共廼職

武舞執干戚進贊引奏就位

皇帝就位立典儀贊迎

神司香奉香以次進至各案前祇候司樂贊舉迎

神樂奏貽平之章

樂辭詳見太廟時饗儀後仿此

樂作贊引奏詣香案

皇帝前暨對引官恭導

皇帝詣

太祖高皇帝香案前。對引官至祝案前止立。司香跪。贊引奏

跪。

皇帝跪。奏上香。司香進香。

皇帝上炷香。三上瓣香。興。以次詣

列聖案前上香。如前儀。畢。贊引奏復位。暨對引官恭導

皇帝復位立。贊引奏跪拜興。

皇帝行三跪九拜禮。興。贊引恭導

皇帝詣

皇后香案前。司香跪進香。

皇帝立上香。畢。恭導

皇帝復位立。樂止。典儀贊奠帛。爵行初獻禮。司樂贊舉初

獻樂。奏敕平之章。樂作。舞干戚之舞。有司揭尊罍。勺

挹酒。實爵。司帛。司爵。以次進至各

神位前。司帛跪獻篚。奠於案。三叩興。司爵立獻爵。奠於墊中。

各退。樂暫止。司祝詣祝案前跪。三叩興。奉祝版跪案

左。贊引奏跪。

皇帝跪。贊讀祝。司祝讀祝。畢。興。奉祝版跪安

神位前。篚內叩如初。退。樂作。贊引奏拜興。

皇帝三拜興。樂止。武功之舞退。文舞執羽籥進。典儀贊行

亞獻禮。司樂贊舉亞獻樂。奏敷平之章。樂作。舞羽籥

之舞。司爵詣各

神位前。獻爵於左。如初儀。樂止。典儀贊行終獻禮。司樂贊舉

終獻樂。奏紹平之章。樂作。舞同亞獻。司爵詣各

神位前。獻爵於右。如亞獻儀。樂止。文德之舞退。典儀贊徹饌。

司樂贊舉徹饌樂。奏光平之章。樂作。徹畢。樂止。贊禮

郎一人趨至

神位前。北面跪。奏禮畢。請

還寢室。三叩退。司樂贊舉

還宮樂。奏又平之章。樂作。贊引奏跪拜興。

皇帝行三跪九拜禮。畢。樂止。典儀贊奉祝帛。送燎。司祝。司

帛。咸詣

神位前。跪。三叩。奉祝帛興。司香跪奉香興。以次恭送燎所。

皇帝轉立拜位東旁。西向。司拜褥官徹拜褥。俟祝帛過。仍布

拜褥

皇帝復位立。贊引奏禮成。暨對引官恭導

大清通志 卷四
皇帝出殿左門降階由

奉先左門出至

誠肅門外。陞輿還宮。導從如來儀。內務府官恭奉

神位還寢室。上香行禮。與迎

神同。所司徹祭器。內監闔門各退。

右親饗

若遣

皇子祭饗

前殿。祭前諸儀。屆日。

殿內外陳設。均與

親饗同。

皇子拜位在

殿檻外正中。設盥盤於右階下。

皇子夙興。補服。步行至

誠肅門。掌儀司贊禮郎二人前導。

皇子由

奉先右門入。至西階下。盥手。升階。詣拜位前。行禮。迎

神。上香。出入殿右門。祝帛送燎。

皇子避立西旁。東面禮成。仍自西階降出。誠肅門還宮。各退。

遣王公內大臣祭饗。儀節均與皇子同。

右遣官祭饗

皇帝因事親告

奉先殿前期致齋。進祝版如儀。屆日所司入

後殿明鐙。設祝案。尊案薦脯醢果實。如

太廟中殿祇告儀。內監啓

神龕。設盥盤。司拜褥官布拜褥。均如儀。掌儀司官詣

乾清門奏請。

皇帝補服。乘輿出宮。導引翊衛如儀。駕至誠肅門。降輿。贊引對引。恭導入

奉先門循

前殿東。至

後殿左階下。前引大臣侍衛均止立。

皇帝盥。內監奉盥奉巾。如儀。畢。恭導

皇帝陞左階。入

大清通志 卷四
殿左門詣拜位前北向立。後扈大臣僉立於後。乃行祇告禮迎。

神上香讀祝奠獻望燎。行禮儀節均與

親饗同。惟不設樂懸樂舞。禮成贊引對引恭導。

皇帝由

奉先左門出。至

誠肅門外。陞輿還宮。內監闔門。衆各退。

右親詣祇告

皇帝遣

皇子暨王公大臣祇告

後殿。出入由右門。升降均由西階。內務府官贊禮讀祝。與

遣官致祭

前殿禮同。餘均如

親告儀。

右遣官祇告

每月朔。暨

列聖聖誕。前

列聖忌辰。又上

大清通志

卷四

九

大清通禮 卷四
列后忌辰。及上元。清明。霜降。歲除日。恭遇

皇帝親詣

後殿。上香。行禮。是日。所司詣

後殿。寢室前。陳酒。脯。果。實。鑪。鐙。具。司香官。執事。殿內。掌儀

司官請

駕。如儀。

皇帝補服。

忌辰素服

乘輿出宮。內務府總管前導。至

誠肅門。降輿。入。恭導

皇帝詣

後殿各案前。上香。行禮。儀與

前殿上香同。禮畢。恭導

皇帝還宮。各退。若遣官上香。贊事。以內務府贊禮郎。升降

出入。均於右。餘陳設同。

右親詣上香

立春。端陽。重陽等節。掌儀司官入

後殿。明鐙。內監啓

寢室神龕。案陳酒。脯。果。實。掌儀司官一人。補服。詣各案前。上

香。行三跪九叩禮。如儀。四月八日。七月望日。陳素果。

不設酒脯。餘同。新設神位。凡民望日。則素米

右遣官上香

列聖

列后升祔

奉先殿之禮。前期內務府敬製

升祔神位於

神庫。既成。內務府總管上香。行禮如儀。

欽簡奉

后主大臣一人。前三日。掌儀司官入

後殿。陳設

寢室前神龕香案。

寶倚。

寶牀。揮施。及帷幔。衾枕。鑪擊供器。如事生之儀。屆日。掌儀司

官詣

前殿。陳設

寶座。每案。陳祭器。設香帛尊爵。鑪。鐙具。樂部陳樂懸。樂舞。奉

后主大臣。及執事官。皆公服。祇俟。內監設盥盤於

神庫門外之東。司拜禱官。豫布

大清通志 卷四
后主祇見拜位於殿中。布

皇帝拜位於稍後。其日升祔

太廟禮成。

皇帝還宮。釋禮服。更補服。禮部尚書詣

乾清宮奏請。

皇帝乘輿出宮。前引後扈。如常儀。掌儀司官詣

後殿

寢室前。上香行禮。恭奉

列聖

列后神位。奉安於

前殿

寶座。跪叩。如儀。

駕至誠肅門。降輿。贊引對引。太常寺卿二人恭導

皇帝詣

神庫門外東。盥手。如儀。入門。詣

帝主

后主神位前。上香。行三拜禮。奉

后主大臣。於門外隨行禮。畢。

皇帝近前跪。恭奉

帝主與前行。奉

后主大臣趨入

神庫門。詣前。跪。恭奉

后主與隨行。贊引對引。恭導

皇帝入

奉先左門。

前引大臣止。

陞東階。

後扈大臣侍衛均止。

進

殿中門。奉安

帝主於寶座上。退及案前。跪。三叩。興。贊引對引。恭導

皇帝就拜位立。贊引北面跪。奏

皇后

后主尊諡。恭宣

升祔

奉先殿。祇見

皇帝。

帝主尊諡。恭宣

奉

后主大臣。恭奉

后主。跪安於祇見位。興。趨出

殿西門。贊引奏跪拜。興。

皇帝恭代行三跪九拜禮。興。進前跪。恭奉

后主。興。奉安於

寶座退及案前。跪三拜。興復位。乃行大饗禮。迎神。上香。讀祝。奠獻。望燎。諸儀節均與常饗同。禮畢。贊引對引。

恭導

皇帝出

奉先左門。至

誠肅門外。陞輿還宮。引扈如來儀。掌儀司官恭請

神位還

御寢室。上香行禮。如初迎儀。執事官徹藏祭器。內監闔門。衆各退。

皇后升祔

奉先殿之禮。前期所司敬製

神位於

殯宮配殿。製

寶座龕案於

神庫。既竣。諏吉行題

主禮。以

神輿恭奉回京。升祔前一日。

皇帝親詣

奉先殿祇告。如儀。屆日。

神輿由

東華門入。

皇子從。王公以下。文武百官。朝服會門外。跪迎。候過。輿

內務府官豫詣

前殿陳設

寶座。具案陳。恭請

列聖

列后神位。奉安行禮。均如儀。司拜褥官。豫布祇見拜褥於殿

中。

神輿至

誠肅門止。贊引對引官二人導

皇子詣輿前。跪。行三叩禮。輿。恭奉

神位。由

奉先左門入。進殿中門。奉安於祇見位。少退立。贊引跪奏

皇后

尊諡。

恭宣

升祔

奉先殿。祇見

列聖

列后

皇子恭代行三跪九叩禮。畢。進前跪。恭奉

神位。興。贊引贊

賜坐。

皇子奉

神位奉安於

寶座。跪。三叩。興。退。乃行大饗禮。祭畢。恭請

神位還

御寢室。上香行禮。均如常儀。

右升祔

大清通禮卷之五

吉禮

陵寢

皇帝親謁

列聖

列后

陵寢之禮。

命下。徧布諸司供備。諏吉起

鑾。前一日遣官祇告

奉先殿如常儀謁

陵前期有司潔除

陵內外屆日

皇帝御素服乘輿出

行宮羣臣素服隨從

駕至

陵於

隆恩門外降輿王以下各官至下馬碑稍遠咸降騎禮部

尚書侍郎二人導

駕由

隆恩門左門入

陵寢門左門奉爵大臣暨

欽命隨入之大臣扈從王公百官止立門外

皇帝至

寶城祭臺前西向立司拜褥官豫布拜褥於臺北正中禮部

尚書侍郎恭導

皇帝就位北向行三跪九拜禮不贊鴻臚寺官引王公百官

於

陵寢門外。按左右翼列班。重行北面。隨行禮畢。有司設奠几。酒罍於拜位正中。

皇帝詣几前。北向跪。羣臣皆跪。奉爵大臣跪進爵。

皇帝三奠酒。每奠率羣臣行一拜禮。與西向舉哀。羣臣東西面序立。咸舉哀。畢。禮部尚書侍郎導

駕出

隆恩門左門。陞輿還

行宮。扈從如來儀。羣臣皆退。凡詣

陵展謁儀並同。

右親謁

皇太后

皇后謁

陵。

皇太后至降輿處降輿。

皇后

妃

嬪。公主以下隨降輿。守

陵女官二人恭導

皇太后。

皇后至。

寶城明樓前。北向。行六肅三跪三拜禮。

妃。

嬪。公主等位。

皇后之後。隨行禮。興。執事女官。進奠几於正中。

皇太后詣位跪。奠酒三爵。每奠行一拜禮。西向舉哀。

皇后。

妃。

嬪。公主以下。隨行禮。舉哀畢。女官恭導以出。乘輿還

行宮。

右后妃謁奠。

歲。清明。中元。冬至。除夕。

列聖。

列后忌辰。及

國有大慶。皆大饗於

隆恩殿。恭遇

皇帝親謁行禮。前期。

陵寢奉祀官。潔備牲帛器數。翰林院具祝文。隨事撰擬。授太常寺

官奉安潔室。屆日工部官張幄次於

隆恩門外之東。執事官素服入

隆恩門西門詣

隆恩殿燃炬明鐙。具器陳於案。

帝

后皆同案。每案牛一。羊二。尊四。鑪。鐙具。每位奉先制帛一。羹

飯。脯醢十有八器。餅餌果實六十有五器。夏則薦瓜。茶盃

一。爵三。有七。一。筋二。凡牲實俎。帛實篚。尊實酒。承以

舟。疏布幕。勺具如遇

皇貴妃耐饗。位於西旁。東向。用素帛一。餅餌果實減十

有一器。餘同。陳設畢。內監啓

寢室神龕。禮部尚書詣

行宮告時

皇帝御素服。乘輿出

行宮。扈從大臣侍衛翼衛如常儀。

駕至

隆恩門外。降輿。贊引對引太常寺卿二人恭導

皇帝入大次少俟。內府奉祀官恭請

神位奉安於

寶座。如儀。鴻臚寺官引王公於

隆恩門外兩廂前祇俟。陪祀各官豫入至

隆恩殿階下。按翼祇俟。禮部尚書告奉安

神位畢。奏請行禮。

皇帝出次盥洗。鑾儀衛官跪奉盥奉巾。如儀。司拜褥官豫

布拜褥於殿門內正中。贊引對引恭導

皇帝由

隆恩門左門入。陞左階入殿左門。西向立。鴻臚寺官引王

公於階上。引百官於階下。東西面立。內府官獻茶於

各案。如儀畢。典儀贊執事官各共廼職。贊引奏就位。

恭導

皇帝就正中拜位前。北向立。鴻臚寺官引王公百官成就

拜位立。重行北面。東位西上。西位東上。贊引對引恭

導

皇帝詣香案前。贊引奏跪。

皇帝跪。羣臣皆跪。奏上香。司香跪奉香。

皇帝上炷香。三上瓣香。興奏復位。

皇帝復位立。奏跪拜興。

皇帝行三跪九拜禮。王公百官均隨行禮。興典儀贊奠帛。爵行初獻禮。司帛奉筐。司爵奉爵。以次詣各

神位前。司帛跪奉筐。奠於案。三叩興。司爵立獻爵。奠於墊中。各退。司祝詣祝案前。跪三叩興。奉祝版。跪案左。贊引奏跪。

皇帝跪。羣臣皆跪。贊讀祝。司祝讀祝畢。興奉祝版。跪安神位前。筐內叩如初。退。贊引奏拜興。

皇帝率羣臣行三拜禮。興典儀贊亞獻。司爵獻爵於左。如初獻儀。贊三獻。司爵獻爵於右。儀如亞獻。畢。贊引奏跪拜興。

皇帝率羣臣行三跪九拜禮。興典儀贊送燎。司祝司帛詣神位前。咸跪三叩。司祝奉祝。司帛奉筐。興。司香跪奉香。司爵跪奉饌。興。以次由中道出。恭送燎所。

皇帝轉立拜位東旁。西向。司拜褥官徹拜褥。王公百官退避側立。東西面。俟祝帛過。仍布拜褥。

皇帝復位立。贊引奏望燎。暨對引官恭導。

皇帝詣望燎位望燎贊引奏禮畢恭導
皇帝出殿左門降東階入

陵寢左門至

明樓前。

皇帝西向立舉哀鴻臚寺官引王公百官東西序立於

陵寢門外咸舉哀

遇冬至及慶
典致祭不舉哀畢導

駕出

隆恩門左門外陞輿還

行宮執事官恭請

神位還御寢室衆皆退

右親祭

遣官祭饗於

隆恩殿承祭官及陪祭執事各官咸朝服將事

忌辰
素服

屆日奉

祀官陳設俎豆進祝版內監入殿啟

寢室神龕禮部贊禮郎預引陪祭官先詣階下東西序立祇

俟內府官奉安

神位畢乃引承祭官入

隆恩門右門升西階就正中拜位立陪祭官各就拜位立

承祭官上香。升降均由西階。出入殿右門。祝帛送燎。避立西旁。餘行禮儀節均與。

親饗同。禮成。內府奉祀官恭奉。

神位還御。承祭官及各官出。易素服。俟徹饌畢。闔門。承祭官。

立

隆恩門外左階上。西面。各官序立階下。東西舉哀。各退。冬。

至。暨

慶典祭畢。不舉哀。餘同。

右遣官致祭。

恭遇

皇帝時巡

盛京。祇謁

祖陵。啟

鑾前一日。

親告於

奉先殿。如儀。

駕發。陳

騎。駕鹵簿。不作樂。在京王公百官。常服跪送。

御道所經守土官常服跪迎。

盛京文武官朝服出境迎候。朝鮮國王遣其陪臣奉

表

起居。

駕至

興京。

盛京。

祖陵均行展謁禮。

皇太后。

皇后。

妃。

嬪恭謁各如儀。翼日率羣臣朝服。

親饗於

享殿。祭畢易素服入

陵寢門舉哀。乃

親奠親藩功臣之墓。並

遣官徧祭近

陵

故園。奠宗室。畢。中。時。出。行。祭。

妃園寢。宗藩祖塋。勲臣祠墓。

陞崇政殿受賀。儀詳嘉禮。燕賚官兵有差。

鑾輿旋蹕。

盛京各官朝服跪送。

御道所經守土官。及在京王公百官朝服跪迎。禮成。

親告於

奉先殿。如儀。越日。禮部疏請行慶賀禮。詳朝賀儀

右謁祭

祖陵

恭遇

皇帝詣

皇后陵寢。

皇帝乘輿入中門。禮部尚書侍郎不導引。循

享殿左。至

明樓前階下。降輿。陞階。西向坐。奠酒。扈從王公百官。鴻臚

寺官。引於大門外。按翼重行北面。行三跪九叩禮。

皇帝奠酒時。行禮舉哀。各退。

恭遇

皇太后率

皇后

妃

嬪致奠。

皇太后由中門入。至

明樓前降輿。西向坐。奠酒。

皇后以下。降輿。行禮。如謁各

陵儀。

如遇

皇后忌辰。及清明。中元。冬至。歲暮。

國有慶典。遣官致祭於

享殿。是日。執事官入殿。具器陳於案。畢。退出。司祝奉祝版。至殿中門外。內監接奉。跪安於祝案。三叩。司祝於門外之左。隨行禮。內監啟。

寢室神龕。尚茶於中門外。獻茶。內監接奉。茶。奠於案。屆祭時。引贊官二人。引承祭官就拜位。司香。內監奉香盤。進。引贊引承祭官。至殿右門。引贊官止。承祭官入右門。引贊趨至中門外左右。贊上香。畢。承祭官出殿右

大清通志 卷五
門引贊仍引至拜位。行三跪九叩禮。初獻。內監奠帛。獻爵如儀。司祝進至中門之左。跪。內監詣祝案前。三叩。奉祝版。跪授司祝。司祝三叩。接奉。讀畢。仍授內監。跪安於筐內。三叩。司祝隨行禮。亞獻。三獻。如初獻儀。祝帛送燎。內監二人詣案前。司祝司帛於門外。各行一跪三叩禮。內監奉祝授司祝。奉帛授司帛。咸接以興。恭送燎所。禮成。奉請

神位還御

寢室。乃徹。餘均如各

陵祭儀。

右

皇后陵寢祭奠

歲季春清明節敷土於

寶城之禮。先一日

陵寢工部官進懸楮錢寶樹一座奉安於

隆恩殿內東旁。

歲暮昇出焚燎

取潔土貯筐以俟。屆日遣官素服將

事贊禮郎二人。一人導引。一人荷土簣隨行。至

方城前衆皆止。遣官荷土循

大清通志 卷五
明樓西磴道升

方城至石欄西。以土合於一筐。奉筐恭升。

寶頂跪敷土於正中。降以筐授贊禮郎。引出易朝服。詣隆恩殿致祭。如儀。若恭遇。

皇帝親詣行禮。是日。

皇帝素服。禮部尚書。太常寺卿導。

駕入。

陵寢左門。後扈內大臣隨侍。王公大臣二人。恭荷土筐。從行。皇帝進至。

方城前。工部尚書侍郎。恭進護履。

皇帝納履。恭荷土簣。扈從王公大臣。前後翼衛。導駕官恭導。

皇帝由。

明樓東磴道。陞至。

方城石欄東。王公大臣。以土合於一筐。跪進。

皇帝受筐。衆皆止。

皇帝奉筐。陞。

寶頂跪敷土正中。畢降。授筐。脫履。導駕官恭導。

皇帝出

隆恩門入大次。俟奉安。

神位畢。行時饗禮。

右敷土

列聖聖誕日。奉祀官詣

陵。埽除拂拭。陳列酒果。上香。行三跪九叩禮。

右聖誕

萬壽聖節。守

陵王公大臣。分詣行禮。每案陳果十有二盤。每位爵三帛一。

讀祝。奠獻。唱贊。行禮。同時饗儀。

右萬壽節

月朔望日。執事人夙興。詣

陵。拂拭神龕。展帷幔。每案陳熟羊一。果十有二盤。每位爵三。

守陵官上香。奠獻。行三跪九叩禮。十月朔唱贊。餘不贊。畢。徹退。

右朔望謁奠

因事祇告

陵寢。遣官各一人將事。

帝

后同案。每案陳果實十二盤。羊一。每位爵三奠。獻讀祝。行禮。

與時饗同。

右祇告

皇帝遣

皇子謁

陵之禮。

皇子至。下馬。牌降輿馬。奉祀禮部官導引至。

隆恩門外。升左階。行三跪九叩禮。不贊。畢。西面舉哀。不奠酒。

哀止。引退。如來儀。若展謁於

陵寢門外。禮部官引至。

隆恩門左門止。內務府奉祀官導引。

皇子入。至。

陵寢左門外。行禮如儀。祭。

陵日。

皇子蟒袍補服。由。

隆恩門右門。進至階上。虛中位。於左行禮。陳設贊引。奠獻。

如遣官時饗儀。親王。郡王。貝勒。貝子。宗室公。謁。

陵。奉祀禮部官引詣。

隆恩門階上。按左右翼。行三跪九叩禮。不贊。

右皇子謁陵

文武三品以上官奉

命出使道過

陵寢。由奉祀禮部官引至大門外北面。行三跪九叩禮。不贊。遇

時祭。則入陪祀官之列。按翼隨行禮。歸時展謁亦如

之。

右羣臣恭謁

妃園寢及

皇太子園寢。四時遣官祭奠。行二跪六叩禮。不贊。出入殿

左門。餘讀祝奠獻諸儀節。與

陵寢時饗同。

右園寢致祭

亦附與太祭

大清通禮卷之六

吉禮

社稷

歲祭

社稷之禮。以春秋仲月。日用上戊。先三日。禮部尚書一人。詣犧牲所。眡牲。如儀。

右眡牲

致齋

書祝版

大司馬禮
卷六
一
眡割牲

眡祝版

北郊同。

儀均與

先一日太常寺卿率屬潔壇敷五土如其方色恭設神座。

太社位右。

太稷位左皆北向。

后土勾龍氏位東西向。

后稷氏位西東向。

右敷土設神座

祀日五鼓太常寺卿率屬入壇然炬明鐙具器陳於案各以其序。

太社

太稷皆牛一羊一豕一登一。鉶簠簋各二籩豆各十有二。鑪一。鐙二。

配位同壇下設三案。一少西南向。供祝版。一東次西向。

陳香盤二。一西次東向。陳香盤二。方珪二。色一青。一黃。禮

神制帛四。色黑。尊二。玉爵二。陶爵四。又陶爵六。壺一。實

福酒。盤一。實胙肉。凡牲陳於俎。凡玉帛實於篚。凡尊

實酒承以舟。疏布冪。勺具。工部司官張幄次於戟門內。少東鑾儀衛設洗於次外。樂部率太常協律郎設中和韶樂於壇門內左右。分東西懸。均南向。陳文武二舞於樂懸之次。如

北郊儀。

右陳設

陳設畢。太常寺博士引禮部侍郎一人升壇。詣

正位前省。眡盞盛。及籩豆登俎之實。以次詣

配位前。周眡如儀。

右省齋

辨行禮位。壇壝門外正中爲

皇帝行禮拜位。南向。拜殿之前。夾甬道左右爲陪祭王公拜位。左翼居東。右翼居西。拜殿前東西隅爲百官拜位。文官郎中以上。武官叅領。世爵輕車都尉以上。東西各五班。均重行異等。東位西上。西位東上。辨執事位。壇門外。司拜褥鑾儀衛官二人。分立於

皇帝拜位左右。東西面。太常寺司祝一人。立祝案西。東面。司爵四人。司玉帛二人。司帛二人。司香二人。光祿寺

卿二人。太常寺贊賜福胙一人。序立西案之西。東面。司香二人。序立東案之東。西面。侍儀禮部尚書。侍郎各一人。立東案之南。西面。都察院左都御史。副都御史各一人。樂部典樂一人。立西案之南。東面。司樂。協律郎。樂工。歌工。舞佾。立位。與

北郊同。太常寺典儀一人。在樂工之北。西位。東面。接福胙。侍衛二人。立於壇門外。東。司拜禱官之次。記注官四人。立於侍衛之次。均西面。糾儀御史四人。禮部祠祭司官四人。分立於陪祀王公百官拜位前。引王公百官

行禮。鴻臚寺官二人。分立於御史禮部官之次。均東西面。掌瘞官率瘞人立壇外西北隅。

右辨位

其日五鼓。鑾儀衛陳

法駕鹵簿

詳見於北郊祭儀。

午門外。陳金輦於

太和門外。陪祀王以下。公以上。按翼集壇門外。候

駕至。隨行百官序立於壇門外左右。祇候。均東西面。司祝恭奉祝版。安於祝案。日出前四刻。禮部尚書一人。率

太常寺卿屬詣

神庫。上香。行禮。恭請

神位。以次奉安於

神座。如儀。

右請神位

太常寺卿赴

乾清門奏時。

皇帝御祭服。乘禮輿。出宮。至

太和門外。降輿。乘金輦。鑾儀衛奉輦。納陛。內大臣侍衛

前引後扈。如常儀。提鑪官。執鐙官。左右列行。

午門鳴鐘鼓。導迎樂陳而不作。不陪祀。王公以下。文武

各官。咸朝服。跪送。

駕出闕右門。至壇北門外。神路東。降輦。納陛。扶輦。如前儀。

右贊引。左對引。太常寺卿二人。恭導。

皇帝入自北門之右。至幄次。少俟。太常寺卿告奉安。

神位畢。奏請行禮。

皇帝出次。鑾儀衛官跪。奉盥。奉巾。如儀。盥畢。司拜褥官。豫

布拜褥於壇北門外正中。贊引對引。恭導。

皇帝由拜殿出。至壇北門外。就拜位前南向立。前引內大臣侍衛執鑪。鐙官至拜殿外。均止立。後扈大臣隨侍。鴻臚寺官引陪祀王公百官各就拜位序立。典儀贊樂舞生登歌。執事官各共廼職。武舞執干戚進。贊引奏就位。

皇帝就位立。

右就次盥洗就位

典儀贊瘞毛血迎

神司

正位香二人升東西階分詣

神位前祇候。司樂贊舉迎

神樂奏登平之章。辭曰。媪神蕃釐兮厚德隆。嘉生繁祉兮功化同。壇壝儼肅兮風露融。我稷翼翼兮黍芄芃。望雲駕兮驂鸞龍。植璧秉圭兮冀感通。協律郎舉麾。工鼓祝。樂作。贊引奏陞

壇。暨對引官恭導

皇帝陞北階。詣

太社位前。對引官至北階上止立。司香跪。贊引奏跪。

皇帝跪。奏上香。司香進香。

皇帝上炷香。次三上辦香。興。以次詣

太稷位前。上香。儀同。贊引奏復位。暨對引官恭導

皇帝復位立司。

配位香二人。由東西階分詣

后土勾龍氏。

后稷氏位前。跪。上香。畢。各退。贊引奏跪拜興。

皇帝行三跪九拜禮。王公百官均隨行禮。協律郎偃麾。工

憂敵樂止。

凡樂以舉麾。鼓柷作。以偃麾。憂敵止。後同。

右迎神

典儀贊奠玉帛。行初獻禮。司樂贊舉初獻樂。奏茂平

之章。辭曰。恪恭禋祀。兮肅且雍。清醑既載。兮臨齋宮。

朝踐初舉。兮玉帛共。洋洋在上。兮鑒予衷。樂作。司樂

舉節。舞干戚之舞。

凡舞以節領之。導引進退。後同。

有司揭尊。冪勺挹

酒。實爵。司玉帛奉玉帛。司帛奉篚。司爵奉爵。均由北

階升壇。司玉帛詣

正位前。司帛詣

配位前。各跪。獻篚。奠於案。三叩。興。司爵分詣

正位。

配位前。跪獻爵奠於墊中。畢自西階退。司祝至祝案前。跪三叩。興奉祝版升北階左。就壇中少西。跪樂暫止。贊引奏跪。

皇帝跪。羣臣皆跪。贊讀祝。司祝讀祝。辭曰。維某年月日。皇帝御名敢昭告於

社

稷之神曰。惟

神贊輔

皇天

皇祇。發生嘉穀。立我烝民。萬世永賴。茲當仲春。謹以玉帛牲

醴庶品

致祭。報謝。配以

后土勾龍氏。

后稷氏。尚

饗。讀畢。興奉祝版。跪安於

太社位前。筐內三叩。興退。自西階降。樂作。贊引奏拜。興。

皇帝率羣臣行三拜禮。興樂止。武功之舞退。文舞執羽籥進。

右初獻

典儀贊行亞獻禮。司樂贊舉亞獻樂。奏育平之章。辭曰。樂具入奏。兮聲皇皇。鬱鬯再升。兮賓八鄉。厚德配地。兮佑家邦。綏我豐年。兮兆庶康。樂作舞羽籥之舞。司爵詣各神位前。跪奠爵於左。儀如初獻。獻畢樂止。

右亞獻

典儀贊行終獻禮。司樂贊舉終獻樂。奏敦平之章。辭曰。方壇北宇。兮神中央。盈庭萬舞。兮帔低昂。酌酒三

爵兮桂醕香。清雖舊邦。兮命溥將。樂作。舞同司爵詣各

神位前。跪奠爵於右。如亞獻儀。獻畢樂止。文德之舞退。

右三獻

既終獻。太常寺贊禮郎一人。詣祝案前。東面立。贊賜福胙。光祿寺卿二人。奉福胙升階。至

神位前。拱舉退。降北階左。祇立於

皇帝拜位之右。侍衛二人。進立於左。贊引奏跪。

皇帝跪。左右官皆跪。奏飲福酒。右官進福酒。

皇帝受爵。拱舉授左官。奏受胙。右官進胙。
皇帝受胙。拱舉授左官。奏拜興。
皇帝三拜興。又奏跪拜興。

皇帝率羣臣行三跪九拜禮。典儀贊徹饌。司樂贊舉徹饌。
樂奏博平之章。辭曰。大房籩豆兮儼成行。歆此吉蠲。
兮神迪嘗。廢徹不遲兮餘芬芳。桐生茂豫兮百穀昌。
樂作。司玉帛詣案前。跪叩奉方珪以退。樂止。

右受福胙徹饌

典儀贊送

神。司樂贊舉送

神樂奏樂平之章。辭曰。孔蓋翠旌兮隨風颺。龍輶容與兮
指天閭。咫尺神靈兮隔穹蒼。願流景祚兮貺皇章。樂
作。贊引奏跪拜興。

皇帝率羣臣行三跪九拜禮。興樂止。

右送神

典儀贊奉祝帛饌。送瘞。司祝。司帛。詣

神位前。咸跪三叩。司祝奉祝。司帛奉篚。興。司香跪奉香。司
爵跪奉饌。興。以次恭送瘞所。典儀贊望瘞。司樂贊舉

望瘞樂。奏徵平之章。辭曰。玉既陳兮延景光。禮既洽兮恭瘞藏。願神聽兮時予匡。垂神祐兮永無疆。樂作。贊引奏禮成。恭導。

皇帝由壇北門出。樂止。

右望瘞

祀畢。禮部尚書率太常寺卿屬。恭請

神位復

御儀與迎

神同。

皇帝至北門外神路東。陞禮輿。導迎樂作。奏祐平之章。辭曰。分職三大。康乂國家。平土蕃穀。降休中夏。薦吉蠲。神不遐。遍九垓。鵠祉嘉。

午門鳴鐘。不陪祀。王公百官咸朝服跪迎。王公隨

駕入。至內金水橋。恭候

皇帝還宮。各退。太常寺官徹

乾清門齋戒牌。銅人送寺。

右乘輿回宮

因事祇告之禮。遣官一人將事。及執事官均致齋一

日。豫期。翰林院具祝文。隨事撰擬。太常寺卿送內閣恭書。受而奉諸。

神庫。飭屬備器陳。至日五鼓設。

太社。

太稷神座於壇上。薦鹿脯。鹿醢。兔醢。棗。榛。葡萄。桃實。蓮實。鑪。鐙具。階下中設一案。少西北向。供祝版。司祝一人。立於案西。東面。右設一案。西向。陳香盤二。左設一案。東向。陳禮神制帛二。尊一。冪。勺具。爵六。司香。司帛。司爵各一人。立於案後。糾儀御史。左右各一人。立於案

北。均東西面。典儀一人。立於壇北左門。東面。雞初鳴。遣官豫。俟於街門內。贊引太常寺贊禮郎一人。俟於壇西隅。均朝服。黎明。太常寺卿率屬恭請。

太社。

太稷神位。入壇。恭設座上。如常祭儀。遣官由街門入南門。循壇西行。盡壇。贊禮郎二人。引詣壇北門外拜位前。立。典儀贊就位。執事官各共廼職。贊禮郎引遣官就位。立。典儀贊迎。

神。以下禮儀節次。司香奉香。升東西階。分詣香案前。祇俟。

贊禮郎贊升壇。引遣官升北階。詣

太社位前立。贊跪。遣官跪。贊上香。司香跪進香。遣官上炷

香。三上辦香。興。凡遣官升降行禮。皆贊皆引。後同。次詣

太稷位前。上香。儀同。贊復位。引遣官自北階降。復位。行三

跪九叩禮。興。司帛奉篚。司爵揭尊。冪勺挹酒。實爵。行

初獻禮。以次升北階。至

神案前。跪。奠帛於案。三叩。興。奠爵於中。皆退。司祝詣祝案

前。跪。三叩。興。奉祝版升北階。至壇上正中。跪。讀畢。興。

詣

太社位前。跪。安篚內。三叩。興。退。遣官三叩。興。亞獻。奠爵於

左。三獻。奠爵於右。均如初。送

神望瘞。並同常祭儀。贊禮郎贊禮畢。引遣官仍由南門出。

太常寺卿率屬恭請

太社。

太稷神位還

御如儀。各退。

右因事祇告

孟夏常雩後。歲間不雨。既祈

天神

地祇

太歲越七日。乃禱於

社稷。並設

配位。遣官一人將事。文武官應陪祀者。咸與祈禱。致齋三日。前期具祝文。潔器陳備。脯醢果實。祭日陳玉帛。樂懸樂舞。執事官依次序立。與常祀同。遣官暨陪祀官。素服就位行禮。

迎神。奏延豐之章。辭曰。九土博厚兮。阜嘉生。方壇五

色兮。祀孔明。疇力穡兮。服耕。仰甘膏兮。百穀用成。熙雲路兮。瞻翠旌。殷闡澤兮。展精誠。

初獻。奏介豐之章。辭曰。神來格兮。宜我黍稷。兩圭有邸兮。馨明德。壘尊湛湛兮。干羽飭。油雲澍雨兮。溥下國。

亞獻。奏滋豐之章。辭曰。奏齋明兮。申載觴。龍出泉兮。靈安翔。周寰宇兮。滂洋。戴神庥兮。悅康。

終獻。奏需豐之章。辭曰。帟容與兮。奮皇舞。聲遠姚兮。震靈鼓。爵三奏兮。縮桂醕。號屏來御兮。德施普。

大清通志 卷六
徹饌。奏綏豐之章。辭曰。協笙磬兮告吉蠲。神迪嘗兮禮莫愆。心齋肅兮增惕乾。咨田畷兮其樂有年。

送神。奏貽豐之章。辭曰。撫懷心兮神聿歸。華蓋邛偈兮驂虬駢。洪釐渥兮雨祁祁。公私霑足兮孰知所爲。望瘞。奏溥豐之章。辭曰。宣祝嘏兮列瘞繒。既允答兮時欽承。高原下隰兮以莫不興。歌率育兮慶三登。凡儀節皆典儀。唱贊舉樂皆司樂。唱贊初獻舞千戚之舞。亞獻終獻舞羽籥之舞。與常祀同。得雨則報。用牲牢。遣官暨陪祀官朝服行禮。如常祀之儀。若雨潦祈

晴。冬旱祈雪。禮亦如之。

右祈報儀

直省。府州縣各建

社稷皆

社右

稷左。異位同壇。歲以春秋仲月上戊日致祭。省會以總督若巡撫一人主之。有故則布政使攝事。在城文武官。縣丞千總以上咸與祭。祇割牲。省齋盛以布。按二司叅政副使等官。糾儀以教授訓導。司香司帛司爵

司祝司饌以丞倅通贊引贊引班以學弟子員閑禮儀者充之前期主祭官暨陪祭執事官各於公廡致齋三日埽除壇壝內外祭之前夕掌饌潔備品物置案於神廚設香燭祗割牲官公服詣案前上香行三叩禮畢宰人牽牲告脬遂割牲以豆取毛血瘞於坎及祭之日雞初鳴執事人入設案一於壇上正中北向陳鉶二實和羹簋二實黍稷簋二實稻粱籩四實形鹽棗栗鹿脯豆四實菁菹鹿醢芹菹兔醢若不能備各就土所有以其類充案前設俎陳羊一豕一又

前設香案一陳祝文香盤鑪鐙左設一案東向陳篚一實帛二尊一爵六又設福胙於尊爵之次司祝一人司香帛二人司爵二人位案西東面階下之東設洗當階爲主祭官拜位其後爲陪祭官拜位文東武西班與外朝通贊二人位階下左右糾儀官二人分

位陪祭官左右均東西面漏未盡主祭官及陪祭官朝服畢集壇外引贊二人引省盥官入壇徧視牲器酒齊饌者告潔退左右引班二人引陪祭官入東西序立東班西面西班東面引贊二人引主祭官入至

階下盥手。通贊贊執事者各司其事。贊就位。引贊引主祭官。引班引陪祭官。咸就拜位立。贊迎。

神引主祭官升。詣香案前跪。司香跪奉香。主祭官三上香。興贊復位。引主祭官降階復位立。贊跪叩興。主祭官暨陪祭官行三跪九叩禮。贊初獻。引主祭官升。詣神位前跪。司帛跪奉篚。主祭官受篚。恭獻。仍授司帛興。奠於案。司爵跪奉爵。主祭官受爵。恭獻。仍授司爵興。分詣

社。

稷位前各奠正中。皆退。贊讀祝。引主祭官詣香案前跪。陪祭官皆跪。司祝三叩興。奉祝文跪於右。讀曰。維某年月日。某官某致祭於

社

稷之神曰。惟

神奠安九土。粒食萬邦。分五色以表封圻。育三農而蕃

稼穡。恭承守土。肅展明禋。時屆仲春。敬修祀典。庶丸

丸松栢。鞏磐石於無疆。翼翼黍苗。佐神倉於不匱。尚

饗。讀畢。三叩興。以祝文復於案。退贊叩興。主祭官暨陪

祭官三叩興贊復位引主祭官降階復位立贊亞獻引主祭官升詣

神位前獻爵於左贊終獻獻爵於右均如初獻儀贊

賜福胙引主祭官升詣香案前跪司爵跪進福酒於右

主祭官受爵拱舉司爵接爵興司饌跪進豆肉於左

主祭官受豆拱舉司饌接豆興各退贊叩興主祭官

三叩興贊復位引主祭官復位立贊送

神贊跪叩興主祭官暨陪祭官行三跪九叩禮贊徹饌

執事官徹饌贊瘞祝帛執事官奉祝次香次帛次饌

詣瘞所禮畢各退

監司分駐各府者各主其地

社稷之祭其他府州縣皆以長官主之長官有故則佐

貳以次攝在城文官丞史武官把總皆與祭眠割牲

省齋盛府州以佐貳縣以丞若史各一人糾儀府以

教授訓導州以學正訓導縣以教諭訓導二人執事

均用掾史贊相禮儀均於學弟子員內選充祭期牲

帛器數及行禮儀節均與省會同

右直省府州縣祭社稷儀

